



Broj: 16-12-16-2-8221- /15/15
I. Sarajevo, 25.11. 2015. godine

Na osnovu člana 8. stav (2) tačka h) Zakona o Državnoj agenciji za istrage i zaštitu ("Službeni glasnik BiH", br. 27/04, 63/04, 35/05, 49/09 i 40/12) i člana 70. st. (1), (2), (3) i (6) Zakona o javnim nabavkama ("Službeni glasnik BiH", broj 39/14), na preporuku Komisije za provođenje postupka nabavke broj 16-12-16-2-8221/15 od 16.11.2015. godine, u postupku javne nabavke lož ulja za potrebe Regionalne kancelarije Mostar, Državne agencije za istrage i zaštitu, direktor Državne agencije za istrage i zaštitu, d o n o s i

ODLUKU

o izboru najpovoljnijeg ponuđača po Konkurentskom zahtjevu za dostavljanje ponuda za javnu nabavku lož ulja za potrebe Državne agencije za istrage i zaštitu

Član 1.

Prihvata se preporuka Komisije za provođenje postupka nabavke broj 16-12-16-2-8221/15 od 16.11.2015. godine i ugovor o kupoprodaji 4.500 litara lož ulja za potrebe Regionalne kancelarije Mostar, Državne agencije za istrage i zaštitu (u daljem tekstu: Agencija) dodjeljuje se ponuđaču "BTG" d.o.o. Tomislavgrad, ponuda broj 16-12-16-2-8221-10/15 od 11.11.2015. godine, za ponuđenu cijenu 5.332,64 KM bez uračunatog PDV-a.

Član 2.

Ponuđač iz člana 1. ove odluke obavezan je u roku od pet dana od dana prijema ove odluke ugovornom organu dostaviti dokaz o ispunjavanju uslova iz tačke 3.1.2. Konkurentskog zahtjeva (orginal ili ovjerena kopija).

Član 3.

Prijedlog ugovora o kupoprodaji dostavit će se na potpis izabranom ponuđaču, po proteku roka od 10 dana, računajući od dana kada su svi ponuđači obaviješteni o izboru napovoljnije ponude.

Član 4.

Za izvršenje ove odluke zadužuje se Sektor za materijalno-finansijske poslove Agencije.

Član 5.

Ova odluka objavit će se na web stranici Agencije, istovremeno s upućivanjem ponuđačima koji su učestvovali u postupku javne nabavke.

Član 6.

Ova odluka stupa na snagu danom donošenja.

O b r a z l o ž e n j e

Postupak javne nabavke 4.500 litara lož ulja za potrebe Agencije, procijenjene vrijednosti 8.500,00 KM bez uračunatog PDV-a, pokrenut je Odlukom broj 16-12-16-2-8221-1/15 od 21.10.2015. godine. Postupak javne nabavke proveden je putem Konkurentskog zahtjeva, za koji su obavještenje o javnoj nabavci broj 1161-7-1-976-3-34/15 od 26.10.2015. godine i ispravka obavještenja o javnoj nabavci broj 1161-7-1-976-8-35/15 od 29.10.2015. godine objavljeni na Portalu javnih nabavki.

Komisija za provođenje postupka nabavke (u daljem tekstu: Komisija) dostavila je Izvještaj o radu broj 16-12-16-2-8221/15 od 16.11.2015. godine sa preporukom o izboru najpovoljnijeg ponuđača u postupku javne nabavke 4.500 litara lož ulja za potrebe Agencije.

Obzirom da je tačkom 6. Konkurentskog zahtjeva navedeno da je rok za dostavljanje ponude 04.11.2015. godine do 13,00 sati, te da je ispravkom obavještenja o javnoj nabavci rok za dostavljanje ponuda produžen do 11.11.2015. godine, do 13,00 sati, to je Komisija 11.11.2015. godine u 14,00 sati izvršila javno otvaranje ponuda prema datumu i vremenu prijema.

Dostavljene su ukupno dvije ponude i to:

Redni broj	Naziv ponuđača	Vrijednost ponude (bez PDV-a) sa uračunatim popustom
1.	“Nestro - Petrol” a.d. Banja Luka	5.993,19 KM
2.	“BTG” d.o.o. Tomislavgrad	5.332,64 KM

Komisija je nakon otvaranja ponuda, u smislu člana 63. st. (5) i (6) Zakona o javnim nabavkama („Službeni glasnik“, broj 39/14) (u daljem tekstu: Zakon) sačinila Zapisnik o otvaranju ponuda i isti u roku od tri dana, od dana otvaranja, dostavila ponuđačima.

Postupak je dalje nastavljen u smislu pregledanja dokumentacije priložene uz svaku pojedinačnu ponudu, a u cilju ocjenjivanja svakog pojedinačnog ponuđača, te njihove kvalifikovanosti shodno uslovima navedenim u Konkurentskom zahtjevu. Uvidom u sadržaj dostavljenih ponuda Komisija je utvrdila da ponuđači: “Nestro - Petrol” a.d. Banja Luka i “BTG” d.o.o. Tomislavgrad, ispunjavaju kvalifikacione uslove u pogledu lične sposobnosti i sposobnosti obavljanja profesionalne djelatnosti. Takođe, Komisija je utvrdila da navedeni ponuđači pored kvalifikacionih uslova ispunjavaju i formalno-pravne uslove postavljene Konkurentskim zahtjevom.

Nakon pregledanja dokumentacije priložene uz dostavljene ponude Komisija je u smislu člana 65. st. (1) i (2) Zakona ocijenila ponude kvalifikovanih ponuđača, primjenjujući kriterij najniže cijene tehnički zadovoljavajuće ponude iz tačke 8.1. Konkurentskog zahtjeva i sačinila rang listu ocijenjenih ponuda, počev od najuspješnije ka najmanje uspješnoj, kako slijedi:

Redni broj	Naziv ponuđača	Vrijednost ponude (bez PDV-a) sa uključenim popustom
1.	“BTG” d.o.o. Tomislavgrad	5.332,64 KM
2.	“Nestro - Petrol” a.d. Banja Luka	5.993,19 KM

Nakon provedenog postupka ocjenjivanja dostavljenih ponuda, Komisija je utvrdila da je ponuda ponuđača “BTG” d.o.o. Tomislavgrad ocijenjena kao najpovoljnija, da ista ne premašuje procijenjenu vrijednost nabavke, te da podliježe primjeni preferencijalnog tretmana domaćeg.

Shodno navedenom, prihvaćen je prijedlog Komisije i odlučeno da se ugovor o kupoprodaji 4.500 litara lož ulja za potrebe Agencije dodijeli ponuđaču “BTG” d.o.o. Tomislavgrad, kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđaču 2x,
- Sektoru za mat.-fin. poslove,
- a/a.

